

淡 齋 詩 集

蘭 陽 雜 詠

平疇漠漠春意盈，低飛粉蝶高飛鶯。爲誰鮮妍相互爭？十二鄉鎮風光呈：
「客臨閩苑龜島迎，丟丟銅裡奔頭城；礁溪最愛香柳橙，五鳳湯漾溫泉情；
壯圍禾秀瓜滿棚，煙塘渭釣魚蝦烹；員山山巒湖水清，鮮菓灼灼何晶瑩！
擺厘進士登玉京，九芎禮樂尊文衡；羅東夜市醇酒傾，公園運動強身行；
西皮福祿分得明，南北攜手勤經營。捷徑橋底雙槳擊，噶瑪豐稔歡歌聲；
梨稱上將天下名，蔥蒜味美傳鯤瀛；冰心一片茶葉瓊，青青苗圃枝含英；
漁舟不畏風浪生，金玉媽祖矜虔誠；大同好景誇太平，泰雅民俗今無黥；
南澳澤畔毛蟹橫，朝陽步道聽蟲鳴」宜蘭草木欣向榮，吳沙偉業千秋評！

【說明】蘭陽雜詠 主要爲敘述宜蘭縣各鄉鎮市之特色。

【注釋】：

平疇漠漠春意盈，低飛粉蝶高飛鶯 三月賦詩，正值蘭陽春暖，花開蝶舞，草長鶯飛，昇平景象恰似人間仙境。

爲誰鮮妍相互爭？十二鄉鎮風光呈 宜蘭縣有十二鄉鎮市：宜蘭市，羅東、蘇澳、頭城鎮，礁溪、壯圍、員山、五結、冬山、三星〈平地〉、大同、南澳鄉〈原住民〉。

客臨閩苑龜島迎，丟丟銅裡奔頭城 閩苑，神仙居住之地，藉以美稱宜蘭。龜島迎，北迴鐵路由福隆穿越隆嶺隧道進入蘭陽平原，即見頭城東方海面上宜蘭人精神象徵之龜山島相迎。丟丟銅，著名之宜蘭民謠，描述火車穿越山洞之情節。

礁溪最愛香柳橙，五鳳湯漾溫泉情 柳橙，爲宜蘭地區重要農特產之一。五鳳，五鳳嶺即是礁溪西方之五峰旗，有五座山形似五面旗，山麓爲知名之礁溪溫泉區。

壯圍禾秀瓜滿棚，煙塘渭釣魚蝦烹 壯圍鄉屬農業區，以養殖業及耕種稻米、瓜果爲主，所產之哈密瓜極富盛名。渭釣，姜子牙未遇周文王時，嘗釣於渭水之濱。

員山山巒湖水清，鮮菓灼灼何晶瑩 巒，小山羅列；又，屹立不搖狀。湖水清，該鄉著名湖泊有員山大湖、雙連埤、雷公埤、太陽埤等。鮮菓灼灼何晶瑩，員山鄉盛產水果，譬如崩山湖之楊桃，二湖之鳳梨，尙有金棗、柳丁等等。

擺厘進士登玉京，九芎禮樂尊文衡 擺厘進士，指宜蘭唯一進士楊士芳，住宜蘭市擺厘〈今爲進士里〉。九芎，九芎城爲昔日宜蘭市之別稱，係宜蘭縣政治、文化中心。

羅東夜市醇酒傾，公園運動強身行 羅東夜市及運動公園聞名遐邇，該鎮工商發達，早年爲木材集散地，是宜蘭縣經濟中心。

西皮福祿分得明，南北攜手勤經營 西皮福祿，清代，北管樂曲福祿派以陳輝煌〈拓墾叭哩沙喃—今三星鄉，後來以戰功升至二品協鎮〉爲首，西皮派以黃纘緒〈開蘭舉人〉爲首，兩派時有鬥爭。南北攜手勤經營，宜蘭縣自古即以蘭陽溪爲界，各自發展，溪北宜蘭市成爲政治、文化中心，溪南羅東鎮成爲經濟中心。

捷徑橋底雙槳擊，噶瑪豐稔歡歌聲 捷徑橋，五結鄉之冬山河親水公園頗富聲名，河中每年舉辦龍舟賽及國際名校划船邀請賽，河上有座捷徑橋。噶瑪，噶瑪蘭人爲蘭陽平原之平地原住民，共有卅六社，親水公園附近之利澤簡爲其祖居地之一。

梨稱上將天下名，蔥蒜味美傳鯤瀛 三星鄉之上將梨、蔥、蒜譽滿全台灣。

冰心一片茶葉瓊，青青苗圃枝含英 冬山鄉之中山茶，與大同鄉之玉蘭茶、蘇澳鎮之武荖坑茶同富盛名。**苗圃**，指宜蘭縣政府仁山苗圃，遠眺蘭陽平原，風景絕佳。

漁舟不畏風浪生，金玉媽祖矜虔誠 蘇澳鎮之南方澳漁港為全省三大漁港之一，港邊之南天宮奉祀天上聖母〈媽祖〉，祀有金媽祖、玉媽祖各一尊，香火鼎盛。

大同好景誇太平，泰雅民俗今無黥 大同鄉境風景秀麗，尤以太平山為最。居民多為泰雅族山地原住民，昔日以黥面為美，今已無此風俗。

南澳澤畔毛蟹橫，朝陽步道聽蟲鳴 南澳鄉盛產毛蟹，大南澳之龜山〈不是頭城龜山島〉上有朝陽步道，山麓即是太平洋，為國家級步道之一。

宜蘭草木欣向榮，吳沙偉業千秋評 吳沙於清嘉慶元年〈西元一七九六年〉率眾入墾頭圍（今頭城）開啓了蘭陽平原的一頁歷史。

假 酒

香 猶 陳 紹 酒 ； 玉 液 彌 甘 口 ；
敢 問 杜 康 君 ， 甲 醇 能 識 否 ？

芭 蕉

搖 曳 弄 嬌 姿 ， 迎 風 繾 綣 之 ；
心 藏 多 少 事 ？ 一 葉 一 相 思 ！

沙 塵 暴

塵 霾 肇 北 藩 ， 灰 黯 蔽 乾 坤 ；
祇 盼 春 風 拂 ， 不 留 污 染 痕 。

霖

蒼 天 奚 落 淚 ？ 點 滴 到 凡 塵 ！
敢 是 心 悲 苦 ， 垂 憐 世 上 人 ？

台 海 兩 岸

淒 風 悲 兩 岸 ， 苦 雨 淚 全 民 ；
但 得 成 康 治 ， 終 教 草 木 春 。

注釋：成康，指周成王、康王，中國第一個太平盛世，史稱成康之治。

夏 夜

荷 影 半 塘 橫 ， 中 天 月 色 明 ；
更 深 人 不 語 ， 好 聽 亂 蛙 鳴 。

詠 龜 山

莫 笑 丹 丸 小 ， 迎 風 氣 勢 雄 ；
煙 嵐 終 日 異 ， 秀 逸 四 時 同 。

銀 浪 洄 山 麓 ， 金 烏 湧 海 東 ；
龜 蟠 南 澳 港 ， 護 境 有 奇 功 。

注釋：龜山 位於蘇澳鎮朝陽里海邊，不是頭城鎮的龜山島。

愴遊九份二山

一夜驚魂土石揚，天崩地裂斷肝腸；
無邊朔氣椎心冷，有幸遊人感慨長。
昔日群峰皆秀麗，今朝滿眼盡荒涼；
青山不再迎賓笑，祇見殘坡向夕陽。

注釋：九份二山位於南投縣國姓鄉，係八八年九二一大地震震央所在。

賞 荷

翠葉田田碧玉姿，氤氳湛露賞蓮怡；
清葩淡淡飄香遠，秀骨亭亭出水奇。
獨愛濂溪書雅韻，曷期王冕畫妍枝；
世人不染污泥日，自是紅塵淨化時。

龜山島紀遊

蓬山秀出太平洋，恰似鯨豚戲水鄉；
首吐磺煙凡幾度，身搖雪浪豈尋常。
普陀巖淨心靈悅，龜尾湖幽韻味長；
但學謝公添屐印，莫隨徐福海中藏。

注釋：蓬山：海中仙山，美稱龜山島。

首吐磺煙：龜山島係活火山，龜首海底溫泉會冒磺煙。

身搖雪浪：龜尾礫石灘會隨不同季節潮流而左右搖曳。

普陀巖、龜尾湖：均為島上景點，一為廟，一為湖。

謝公：指謝靈運，南朝宋人，好遊山玩水。

徐福：秦始皇命彼出海求仙藥，一去不還。

鶴

全身黑白兩分明，一點丹紅獨赤誠；
寡慾清心無罣礙，悠遊天地自長生。

幽 人

迎風共語星空下，邀月同眠松柏間；
今夕焉知是何夕，無心來去自悠閒。

螃 蟹

八爪橫行西又東，雙螯奪利兩頭空；
平生善惡終須論，不信冥頑不反躬。

無 題

風捲珠簾情已逝，月移花影夢初殘。
緣何輾轉愁難寐？祇為相思淚暗彈！

仲 夏 郊 遊

午月芳郊步野原，鳴蟬臥犢碧烟村；
方知世上農家好，猶似蓬萊一樂園。

夜 釣

水岸垂綸月色明，半江舟火照江城；
嚴陵瀨上堪漁隱，更學姜公忘世情。

太平山瑞雪

聞道蘭陽四季春，太平山上雪如銀；
新正玉頂飄祥瑞，預卜豐年雨露均。

人 造 雨

春日瞳瞳水闕如，計求甘澍潤田渠；
乾冰引得商羊舞，巧化天機旱象除。

注釋：商羊，一足怪鳥，大雨前會起舞。

秋 日 即 事

暮秋煙雨雨聲涼，舉傘徐徐過小杠；
遙想御溝紅葉夢，有情惟祝影雙雙。

冬 景

南國三冬暖似春，梅無冰雪卻精神；
仙姿玉骨迎風立，一片欣欣待歲新。

訪 梅

寒風拂面步幽蹊，欲訪孤山處士妻；
何必人家園裡覓，暗香浮動小村西。

注釋：孤山處士妻即梅，宋朝林逋居杭州西湖孤山，自號孤山處士，不娶，以梅爲妻，鶴爲子，人稱梅妻鶴子。

鹿耳門懷古

郡王鬱鬱難伸志，溪水潺潺可識愁？
若使靈潮不相助，鯤瀛抱恨幾春秋？

注釋：鹿耳門：位於台南安平，鄭成功由此登陸，驅荷復台。

澎 湖 遊

九宵拋落幾明珠，化作人間水國圖；
惟見海天煙嶼秀，遊人不覺到方壺。

注釋：方壺，乃海外仙山，借以讚美澎湖。

桶 盤 嶼

小島生來似桶盤，迷人石柱海中看；
知君節節登天志，浪裡長蟠不畏湍。

注釋：該嶼在馬公西南七公里，形似桶盤，玄武岩石柱羅列。

獅子座流星雨

獅座天邊燦火花，隕星如雨又如麻；
千祥景福穿空落，散入鯤瀛百姓家。

代 議 士

議場一怒吏難熬，喉舌民聽膽氣豪；
縱使漢朝非現代，禰衡曷怕斬頭刀？

哀 股 民

股市崩盤財富稀，哀哀黎庶苦歔歔；
但求經濟如冬霽，掃盡陰霾得轉機。

憶 王 孫

緬懷吳沙

蘭城四月正飛花，淡蕩輕風細雨斜，
漠漠平陽百姓家。憶吳沙，闢土豐功萬古誇。

搗 練 子

女偷渡客

歡意薄，怨情深，醉上高樓獨自吟。
含淚兩眸空望月，故園千里夢中尋。